



ARRASATEKO UDALA  
AYUNTAMIENTO DE MONDRAGÓN

# Arrasateko San Juan Taldea berrurbanizatzeko parte hartze prozesua

LEHEN BILERA ERRONDA: BILERAREN AKTA (IPARRAGIRRE PLAZA)

**2023ko martxoak 16**




# Aurkibidea

<b>Aurkibidea</b> .....	2
<b>1. Parte hartze prozesuaren ezaugarriak</b> .....	3
<b>2. Saioaren ezaugarriak</b> .....	4
<b>3. Saioaren garapena</b> .....	5
3.1. Lanketa taldeetan: zein proposamenekin egiten duzu bat? Zer da gehien gustatzen zaizuna? Zer hobetuko zenuke? Zer aldatu?.....	6
3.2. Elkar jartzea.....	6

# 1. Parte hartze prozesuaren ezaugarriak

San Juan taldeko auzoaren saneamendua konpontzeko lanak egin behar dira. Arrasateko udalak aukera baliatu nahi du auzoaren berrurbanizazioa egiteko. Horretarako, parte hartze prozesu bat abiatu du eta auzotar guztiak deitu ditu bertan parte hartzera.

Horrela irudikatu da parte hartze prozesua:




Lehenik eta behin, martxoaren 2an bilera informatiboa egin zen, auzotar guztiei zuzendua, prozesuaren nondik norako nagusiak, helburuak eta baldintzak azaltzeko.

Martxoaren 13, 14 eta 16an lehen bilera erronda izango da. Gaurkoa izan da bilera erronda honen hirugarren eta azken bilera. Bertan, auzotarren ikuspuntuak jasotzea da helburua. Elkarrizketa antolatzeke, 3 bilera deitu dira, plaza bakoitzeko bat, azterketa, elkarrizketak eta analisia antolatzeke.

Martxoaren 2ko bileran egindako eskaerei erantzunez, saio guztietan bizilagunek San Juan Taldeari buruz hitz egin ahal izango dute, osotasunean, San Bixente Ferrer kalea eta Zaldibar kaleko itzulbirak barne.

Lehen bilera erronda honetako ekarpenak jaso ondoren eta arkitekto taldeak aztertu ondoren, martxoaren 29an beste bilera bat egingo da bizilagun guztiekin. Bertan xehetasunetan eta zalantzetan jarriko da fokua. Horiek kontuan hartuta, berriz ere lanketa egingo da, beti ere kontuan hartuz udalaren helburua dela proiektua esleitzeko pleguak egitea, ez proiektu zehatza bera. Proposamen hau apirilean egingo den azken saioan berretsiko da. Saio horretara ere bizilagun guztiak izango dira deituak.

Epeei dagokienez, bolumen honetako proiektuak luzeak izan ohi dira. Hori dela eta, hauek dira, ondo bidean, aurreikusten diren denbora epeak:



2023an partaidetza prozesua egingo da. Kontuan hartuta maiatzean udal hauteskundeak egongo direla, aurretik amaitu beharko da. 2024 urtea izango litzateke proiektua lizitatzeko eta behin betiko diseinua egiteko garaia eta lanak 2025 urtean hasiko lirateke.

Hauteskundeen gaiak ere hainbat zalantza ekarri ditu. Izan ere, galdetu da ea zer pasako den prozesu honen emaitzekin gobernu aldaketarik ematen bada. Erantzun da ez dagoela ezer ziurtatzeko modurik eta ziurgabetasun horren jakitun egin beharko dugula aurrera parte hartze prozesu honetan.

## 2. Saioaren ezaugarriak

Hauek dira saioaren datuak:

**Eguna:** 2023ko martxoaren 16an, Kultureteko Loramendi gelan.

**Ordutegia:** 18:00-20:00

**Asistentzia:** 5 lagun (3 gizonezko eta 2 emakume)

**San Juan Taldeko 5 bizilagun** (3 gizon eta 2 emakume)

**Arrasateko udaletik:** Zinegotzia (Ander Garai Zabaleta) eta udal arkitektoak (Aitor Jauregi Larrañaga eta Amaia Iriondo Alberdi)

**Saioa bideratzen:** Emun (Naia Rodriguez Casado eta Mikeldi Zeberio Loinaz)

### 3. Saioaren garapena

Lehenik eta behin auzoari buruzko informazioa eman da, martxoaren 2ko bileran egindako eskaera bati erantzunez:

San Juan Taldeari buruzko datuak	
Etxebizitzak	199
Lokalak	18
Aparkalekuak	164
Ibilgailuak (turismoak)	167

Berrurbanizazioa gaur egungo mugikortasun arauen arabera egin behar da. Horrek, halabeharrez, ekarriko du aparkaleku kopurua murriztea. Dena den, murrizketa hori hainbat modutara egin daiteke, eta irizpide ezberdinak kontuan hartuz. Hori dela eta, 3 kasu edo eredu ezberdin aurkeztu dira, beti ere elkarrizketarako abiapuntu gisa, eta ez eredu bat edo bestearen artean aukeratzeko helburuarekin.

Hiru eredu hauek horrela aurkeztu dira, modu orokorrean:

PLAZA	HELBURU OROKORRAK		
	1. AUKERA	2. AUKERA	3. AUKERA
IPARRAGIRRE ALFONTSO X JM EGUREN			
BIXENTE FERRER KALEA			
ZALDIBAR KALEKO ITZULBIRA			
APARKALEKU KOPURUA, guztira	99	129	77

### Argibideak:

Aukera guztietan dago autoen eta pertsonen arteko elkarbizitza. Ikonokoarekin irudikatu nahi izan dena da zein gailenduko den bestearen aldean.

Aukera bakoitzean aparkalekuentzat adierazten diren kopuruak orientagarriak dira.



**1. aukera:** hiru plazetan oinezkoak gailenduko dira autoen aurretik, baina Bixente Ferrer kalea eta Zaldibar kaleko itzulbiretan autoek izango dute lehentasuna. Kasu honetan, autoentzat 99 plaza inguru erreserbatzen dira.

**2. aukera:** autoek lehentasuna izango dute eremu guztietan. Aukera honetan aparkalekuak maximizatzea lehenesten da. Aparkaleku gehien izango duen aukera litzateke, 129 ingururekin.

**3. aukera:** pertsonak lehentasuna izango dute eremu guztietan. Aukera honetan autoei San Juan Taldera sartzeko eragozpena jartzen zaie hiru plazak lotzen dituen zirkuitu baten bidez. 77 izango lirateke aparkalekuak eredu honetan.


## 3.1. LANKETA TALDEETAN

Asistentziaren kopurua ikusita talde bakarrean lan egitea erabaki da. Horrela, denon arteko elkarrizketa baten bidez garatu da saioa, bakoitzak bere ekarpenak egin ditu eta dinamizatzaileek akta jaso dute.



#### Ekarpen orokorrak:

- Anbulantzien eta suhiltzaileen sarrera errazteko moduren bat bilatzea, edo ahalik eta gehien gerturatzeko modua bilatzea.
- Aparkalekuak nahitaez murriztuko direnez, aukera bat izango litzateke San Juaneko aparkalekuak auzokideentzako bakarrik izatea?
- Bajoetan bizi direnek arazoak dituzte kotxeekin. Lehenetasuna haien egoera hobetzea izan beharko litzateke.
- Kotxeen zirkuituari buelta bat eman behar zaio, sarrera eta irteera Biteritik egin ahal da? Orain planteatzen ari dena estuegia da.
- Oraingo kotxeen sarrera-irteerek Bixente Ferrer kaletik ataskoa kendu du, baina irteera txarra da.
- Zero maila auzo osoan.
- Berdegune gehiago auzo osoan.



### Ekarpen zehatzak:

- Eguren:
  - o Kotxeak portaletaraino sartzen dira, konpondu ez gertatzeko.
- Bixente Ferrer:
  - o Aparkalekuak kendu eta kotxeak pasatzen bakarrik utzi.
  - o Zuhaitzak jarri
- Alfontso X:
  - o Bankuak, eskultura, zuhaitzen sustraiak...hobetu.
  - o Dauden zuhaitzak mantendu. Sentsibilitatea eta balio handiko lekua da, zaindu.
  - o Eskailerak kentzeko aldapa jartzearen alde, baina kota berdinean jartzearekin ez.
  - o Kota zerora jarri plaza osoa, baina zuhaitzak errespetatu.
- Biteri:
  - o Izkinan dagoen pagoa bertan utzi.
- Solte dagoen etxearen ataria aldez aldatu?
- Iparragirre:
  - o Berdegune gehiago
  - o Bizikletentzako lekua eta tapatua baldin bada hobe (giltzarekin jartzeko moduak daude).
  - o 3 aparkalekutik behin zuhaitz bat jarri.
- Zaldibar itzulbira:
  - o Zonalde freskoa da, banku batzuk jarrita oinezkoentzat izan beharko litzateke? Zalantzak espazio horrekin. Oinezkoentzat izanda ere zalantzak daude pertsona nagusiek emango lioketen erabilerarekin.